



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-05-31388-1/18
Sarajevo, 05.09.2018. godine

Zastupnicima Skupštine Kantona Sarajevo

PREDMET: Amandmani Vlade Kantona Sarajevo na Prijedlog zakona o policijskim službenicima Kantona Sarajevo

Na osnovu člana 151. stav (2) Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst broj: 41/12, 15/13, 47/13, 47/15 i 48/16), Vlada Kantona Sarajevo na **141.** sjednici održanoj **05.09.2018.** godine, utvrdila je i podnosi amandmane na Prijedlog zakona o policijskim službenicima Kantona Sarajevo:

AMANDMAN I

U Zakonu o policijskim službenicima Kantona Sarajevo iza poglavља IX POLICIJSKI ODBOR dodaje se novo poglavље X - PENZIONISANJE POLICIJSKIH SLUŽBENIKA sa novim članovima 122. i 123. koji glase:

Član 122.

(Uslov za sticanje prava na penziju policijskog službenika)

(1) Policijski službenik je lice definisano u članu 2. Zakona o penzijskom i invalidskom osiguranju i pravo na penziju ostvaruje pod uslovima utvrđenim Zakonom o penzijskom i invalidskom osiguranju i ovim zakonom, pod uslovom da je:

- a) imao neprekidno najmanje 15 godina staža osiguranja u svojstvu policijskog službenika i
- b) u vrijeme sticanja prava na penziju ima svojstvo policijskog službenika.

(2) Policijskom službeniku iz stava (1) ovog člana lični koeficijent za ostvarivanje prava na penziju utvrdit će se na osnovu pet godišnjih plaća ostvarenih u svojstvu policijskog službenika, koje su za policijskog službenika najpovoljnije.

(3) Odredbe stava 2. ovog člana odnose se i na policijskog službenika koji uslijed zadobijenih povreda na radu uzrokovanih neposrednim izvršenjem službenih poslova i zadataka bude proglašen invalidom 1. kategorije.

Član 123.

(Pravo na ostvarivanje posebnog staža policijskog službenika)

Poseban staž iz Zakona o penzijskom i invalidskom osiguranju u jednostrukom trajanju uračunava se u staž osiguranja za policijskog službenika iz člana 122. stav (1) ovog zakona samo uz pismenu saglasnost lica na kojeg se ta saglasnost odnosi.

Obrazloženje

Amandman identičnog sadržaja dostavili su zastupnica Segmedina Srna-Bajramović, zastupnik Rasim Lakota i Klub samostalnih zastupnika Kantona Sarajevo, ali amandman nije bilo moguće

prihvati u predloženom obliku, već ga je bilo potrebno upotpuniti prethodno pribavljenim mišljenjem nadležnog resornog ministarstva. Nakon što je Ministarstvo unutrašnjih poslova Kantona Sarajevo dostavilo Mišljenje Federalnog Ministarstva rada i socijalne politike broj:04-35/25-2160/18 od 03.09.2018. godine da nema smetnji da se kantonalnim propisom uredi pitanje uslova za sticanje prava na penziju policijskih službenika ispunjeni su uslovi da Vlada Kantona Sarajevo predloži amandman.

Amandmanom se vrši usklađivanje sa Zakonom o dopunama Zakona o policijskim službenicima („Službene novine Federacije BiH“ broj 13/18), te utvrđuju uslovi za sticanje prava na penziju policijskog službenike i lični koeficijent za ostvarivanje prava na penziju, na osnovu pet godišnjih plaća ostvarenih u svojstvu policijskog službenika, a koje su za policijskog službenika najpovoljnije.

AMANDMAN II

“Član 123. Prijedloga zakona o policijskim službenicima mijenja se i glasi:

„Član 125.
(Sadržaj nadzora)

Nadzor iz člana 124. ovog zakona predstavlja davanje stručnih mišljenja, uputa, dostavljanje izveštaja i drugih radnji koje se odnose na provođenje ovog zakona i podzakonskih akata koji se donose na osnovu ovog zakona.”

Obrazloženje

Amandmanom se provodi nomotehničko usklađivanje, odnosno ispravlja se pozivanje na član nastalog kao posljedica dodavanja dva nova člana Amandmanom I.

AMANDMAN III

Postojeći članovi Prijedloga zakona o policijskim službenicima Kantona Sarajevo od broja 122. do broja 132. postaju članovi 124. do 134.

Obrazloženje

Amandmanom se provodi nomotehničko usklađivanje, te se hronološki zamjenjuje redoslijed članova, kao posljedica dodavanja novog poglavљa o penzionisanju policijskih službenika.

P R E M I J E R

Adem Zolj, Mr.dipl.ing.saob.

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Evidencija
5. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1

